

Guangjsih Minzcuz Bau

ganhhau: CN45-0036 B.2015 Nd.1 Ng.28 liggaeuq gyapngux nienz ndwenlab cogouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3159期

Aen Ban Lauxsae Son Nyez Haeujhag Gaxgonq Hag Cuengh Gun Song Saw Vah Daihsam Geiz Beizyinbanh Youq Gvangjsih Sawcuengh Yozyau Hai Ban

广西壮汉双语学前教师第三期培训班在广西壮文学校开班

Geij ngoenz gonq, daengx gih doenghboux lauxsae son nyez haeujhag gaxgonq hag Cuengh Gun song saw vah de daihsam geiz beizyinbanh youq Gvangjsih Sawcuengh Yozyau hai ban, baez beizyinbanh neix youz Swcigh Gyauyuzdingh cawjbanh, Gvangjsih Sawcuengh Yozyau coenghbanh.

Baez beizyin neix cingj lauxhangz lwnhgangj sonhag, lauxsae ciennieb dangqna j songyauq, lauxsae dang-

ciengz yawjhag. Beizyin neiyungz cujyau miz gihcuj cihsiz Sawcuengh, doxbeij gij yijfaz Vahcuengh nem Vahgun, fuengfap fanhoiz Cuengh Gun, fuengfap sonhag Sawcuengh, yinhyoz minzcuz, mejsuz minzcuz, dijjuz minzcuz daengj.

Youq duenh guh beizyin, daengxcungq yozyenz lij cienmonz bae Vujmingz Yen Gingloz Siujoyz Fusuz Youwzyenz bae dangciengz yawj gij hozdung sonhag.

Baez beizyin neix, gungh miz 110 lai vunz camgya, baugvat doenghboux lauxsae son nyez haeujhag gaxgonq hag Cuengh Gun song saw vah de daj gih raeuz ndaw yienh(si, gih) gij yozyau guh Cuengh Gun song saw vah sonhag de daeuj roxnaeuz daj gij youwzyenz ndaw yangh(cin) miz yozyau guh Cuengh Gun song saw vah sonhag de daeuj.

(Liz Houhan/黎厚汉 Banh Lezyingh/潘列英)

SIUSIK DINJ

简讯

● Geij ngoenz gonq, Lungzlinz Gak Cuz Swciyen miz sam aen hanghmoeg ndaej lied haeuj daihhaj buek swcigh gaep feihvuzciz vwnzva yizcanj hanghmoeg daihyauj hanghmoeg mingzloeg ndawde bae, sam aen hanghmoeg neix dwg "Heiquengh baihbaek", "dinfwngz guh ndangdaenj Myauzcuz", "Yizcuz caeq soengq roegvaiqughvaiquguz". Daengz dangqna j aen yienh neix gungh miz 7 aen hanghmoeg yienghneix lo.

(Dauz Dwzgvangh)

● Geij ngoenz gonq, Yungz-suij Myauzyozvei hai veicangjvei, gietdingh baenzlawz guh gij hong yenzgiu. Bineix, aen yozvei neix yaek banh hozdung geiqniemh yozvei laeb ndaej 5 bi, haeujlaeg yenzgiu Myauzcuz senj dieg, vwnzva nem lijyouz Myauzcuz, cwngzcinva nem gencuz Myauzcuz.

(Siz Gveiz)

● Gaenh bi daeuj, Lozcwngz Mulaujcz Swciyen haenqrengz hwnjguh ranzbaujcam, neix hawj vunz dieg Mulaujcz ndaej onjyouq laeb le giekdaej gig maenh. Ciuq gyoepsuenq, bi-gvaq, daengx yienh guh baenz ranzbaujcam 1024 dauq, faen hawj vunz youq 927 dauq.

(Se Sinyenz)

● Geij ngoenz daeuj, Ginh-siu Yauzcuz Swciyen Luzhang Yangh comz vunz gyoebbaenz 5 cuj, faenbied haeuj mbanj bae, dawz 431 gienh doenghyienh soengq hawj ranzgungzhoj, ranzdihbauj nem doenghboux vunzgeqmai, hawj gyoengqde gamjdaengz dangj nem cwngfuj gvensim de.

(Gauh Yizginh)

● Geij ngoenz gonq, Sanhgyangh Duncuz Swciyen Lijyouzgiz youq daihseiq gaiq Cungguek lijyouz canjyez fazcanj nenzei gwnzde ndaej gaiq baiz "2014 nienz 'Cungguek gyaendei' cib aen lijyouz yienh maenhndei", dwg gih raeuz aen yienh dog ndaej cungj cwnghauh ndei neix.

(Gungh Bujganh)

Sanhgyangh: Vunz Saujsu Minzcuz Nyaengq Guh Gijgwn Gvaq Cieng

三江: 少数民族群众赶制年货迎新春



Yaek daengz cieng lo, Sanhgyangh Duncuz Swciyen Danhcouh Cin Danhcouh Cunh vunz saujsu minzcuz nyaengq guh huqlab(gijgwn), angq-coux cieng moq. Ciuq cam rox, vunz aen cin neix daj ciuhgeq daeuj couh maij guh huqlab, gij huqlab de aeu gyamq makbug, nyaq-oij daengj daeuj oenq(loemz), oenq baenz le gij huqlab de noh gengjmaenh, saek lwenq, heiq hom, mbouj nywnx, ndei gwn. Gaenh bi daeuj, huqlab dangdieg ndaej gai bae Liujcouh nem dieg doxyawj gig lai, daengx cunh dan huqlab moix bi couh souhaeuj 500 lai fanh maenz. Ndaw doz dwg 1 nyied 24 hauh, ndaw cunh neix baux mehmbwk saujsu minzcuz ndeu cingq cang huqlab.

(Gungh Bujganh/龚普康 ingj)

Lingzyinz: Gij Nungzhoh Saujsu Minzcuz Ndaem Ien De Moix Ranz Souhaeuj 2.31 Fanh Maenz

凌云: 少数民族烟农户均收入 2.31 万元

Bi'gvaq, Lingzyinz Yen ndaw yienh gungh miz Yihungz, Lozlouz daengj 7 aen yangh(cin) 29 aen cunh 58 aen mbanj 368 ranz nungzminz ndaem ien 10018 moux, ciemq gij yinvu baihgwnz anbaiz de 125.23%, ciemq gij menciz dajsuenq de 100.18%. Bi'gvaq daengx yienh doenghgij nungzhoh ndaem ien de

sou nem gai ien 16125.713 rap, ndawde gij ien cungaep nem gaugaep de ciemq daengz 84.79%, gai ndaej 1705.24 fanh maenz, bingzyaenz moix goenggaen 21.14 maenz, gyau sui 596.83 fanh maenz, ndawde sui mbaw ien 375.15 fanh maenz, sui cwnghcizsui 221.68 fanh maenz, doenghboux nungzminz

ndaem ien gungh souhaeuj 2071.12 fanh maenz(baugvat boujdiep), ciemq gij yinvu ndaw yienh anbaiz(1800 fanh maenz) de 115.06%. Doenghboux nungzminz ndaem ien moix hoh bingzyaenz souhaeuj 2.31 fanh maenz.

(Vangz Yenzzyungz/黄元荣)